



Republika e Kosovës
Republika Kosova- Kosova Cumhuriyeti
Kuvendi i Komunës



Komuna e Prizrenit
Opština Prizren – Prizren Belediyesi

PROCESVERBALI

Nga mbledhja Inauguruese e Kuvendit të Komunës, mbajtur më 10 dhjetor 2025, duke filluar nga ora 09:00, në Kuvendin e Komunës së Prizrenit.

Në mbledhjes ishin të pranishëm 41 anëtarët e zgjedhur të Kuvendit të Komunës dhe Kryetari i zgjedhur i Komunës z.Shaqir Totaj.

Po ashtu të pranishëm ishin edhe përfaqësuesit e institucioneve, shoqërisë civile si dhe përfaqësuesit e medimeve.

Mbledhjen e hapi dhe kryesoi z.Haziz Hodaj, anëtari më i vjetër i Kuvendit të Komunës së Prizrenit, ku dhe i përshëndeti të gjithë të pranishmit.

Haziz Hodaj (Kryesues i Mbledhjes): Mirëmëngjesi dhe mirëse keni ardhur. I nderuar kryetar i komunës, zoti Shaqir Totaj, të nderuar anëtarë të zgjedhur të kuvendit, i nderuar ish-kryetar i komunës, zoti Ramadan Muja, drejtori i policisë, zoti Faton Aliu, përfaqësuesit e shoqatave të dalë nga lufta, veteranë, familjarët e dëshmorëve, përfaqësuesit e klerit fetar, zonja dhe zotërinj, qytetarët e nderuar të Prizrenit. Më lejoni që në cilësinë e anëtarit më të vjetër të këtij Kuvendi ta shpall të hapur seancën e parë konstituive të Kuvendit Komunal për mandatin e ri. Sa është nder edhe përgjegjësi që sot të udhëheq e të hapë këtë hap të rëndësishëm procedural deri në zgjedhjen e kryesuesit të ri të Kuvendit. Së pari dëshiroj t'ju uroj të gjithë anëtarët të sapo zgjedhur me mandatin e tyre. Rezultati i zgjedhjeve është një shprehje e qartë e vullnetit të qytetarëve tanë, të cilëve u jemi mirënjohës për besimin e dhënë. Ky kuvend ka detyrim që mbi bazat e ligjshmërisë, transparencës dhe përgjegjësisë të punojë për interesin e përgjithshëm të Komunës dhe të gjithë qytetarëve pa dallim. Sot ne nisim me një rrugëtim të ri, me sfida të reja, por edhe me mundësi të reja për ndryshime pozitive, pavarësisht dallimeve politike apo ideologjike, na bashkon detyra për të garantuar mirëqenien, zhvillimin dhe funksionimin efikas të qeverisjes lokale. Në vijim do të procedojmë me pikat e parapara të rendit të ditës, përfshirë verifikimin e mandateve dhe krijimin e kushteve për konstituimin e Kuvendit. Ju ftoj të gjithëve që të kontribuoni me seriozitet, korrektësi dhe frymë bashkëpunimi. Me këtë rast e shpall të hapur seancën konstituive të Kuvendit Komunal dhe ju falënderoj për vëmendjen.

Ashtu siç jeni njoftuar, për këtë mbledhje janë caktuar dy pika të rendit të ditës:

1. Dhënia e betimit nga anëtarët e Kuvendit të Komunës.
2. Dhënia e betimit të Kryetarit të Komunës.

Pra, fillimisht do të fillojmë me pikën e parë të rendit i ditës, por para se të gjithash, para se të fillojmë do të duhej që të formohet një komision për verifikimin e mandateve, që në fillim do të duhej të propozohen nga partitë politike, nga partia e parë, nga partia e dytë dhe nga komuniteti joshumicë, domethënë tre anëtarë të cilët do të bëjnë verifikimin e mandateve. Andaj ju ftoj që fillimisht të ketë një propozim nga Partia Demokratike për një anëtar të komisionit. Urdhëro.

Islam Ukaj (PDK): Faleminderit zotëri Hodaj. Partia Demokratike propozon si anëtare të komisionit zonjën Luljeta Veselaj Gutaj.

Haziz Hodaj (Kryesues i Mbledhjes): Faleminderit shumë. Nga Lëvizja Vetëvendosje.

Dafina Alishani (LVV): Ju faleminderit zotëri Hodaj. Lëvizja Vetëvendosje propozon Karanfil Haxhillari.

Haziz Hodaj (Kryesues i Mbledhjes): Faleminderit. Një propozim duhet edhe nga komunitetet pakicë që të jetë anëtar i këtij komisioni? Ka ndonjë propozim?

KDTP: Propozohet Furkan Butuci.

Haziz Hodaj (Kryesues i Mbledhjes): Komision prej Luljeta Veselaj Gutaj, Karanfil Haxhillari dhe Furkan Butuci, konsiderohet që është i formuar pasi nuk ka nevojë të votohet, por lus komisionin ta marrë detyrën dhe të verifikoj mandatet dhe verifikoj edhe prezencën e anëtarëve të kuvendit.

Por paraprakisht para se me fillu këtë verifikim ka pasur ndryshime në ndërkohë, tërheqje të disa kandidatëve dhe emërim i të rinjve, andaj do t'i lexoj dhe do të njoftoj kuvendin për këto ndryshime. Anëtarët që kanë dhënë dorëheqje, janë:

1. Tërhiqet Kujtim Gashi, e zëvendëson Behxhat Bytyqi.
2. Tërhiqet Nehat Elshani, e zëvendëson Alban Bislímaj.
3. Tërhiqet Çel Lamaj, e zëvendëson Tefik Tarshaj.
4. Tërhiqet Driton Selmanaj, e zëvendëson Astrit Temaj.
5. Tërhiqet Besnik Krasniqi, e zëvendëson Agim Muçaj.
6. Tërhiqet Haxhi Avdyli, e zëvendëson Petrit Hoxhaj.
7. Tërhiqet Rasim Demiri, e zëvendëson Eldis Abazi.
8. Tërhiqet Duda Balje, e zëvendëson Dzengis Saliji.
9. Tërhiqet Emilia Redzeqi zëvendësohet nga Zikreta Aliti.

Po konsideroj që të emëruarit të rinj janë prezentë dhe do t'i bashkëngjiten betimit bashkë me anëtarë të tjerë të kuvendit.

Nëse kur janë gati anëtarët e komisionit, njëri prej tyre duhet me deklaru, me raportu se si është gjendja.

Luljeta Gutaj Veselaj (Anëtare e Komisionit): Të nderuar anëtarë të Kuvendit, i nderuar Kryetar i Komunës, të gjithë ju të pranishëm. Fillimisht uroj që ky mandat të jetë i shëndetshëm dhe i suksesshëm për secilin anëtar të Kuvendit. Punë të mbarë dhe të mira për Kryetarin e Komunës dhe ekipet të tjera shoqëruese. Bazuar në komisionin për verifikimin e mandateve, ne konstatojmë se mbas ligjit të gjitha mandatet e verifikuara janë në rregull. Urime, suksese, punë të mbarë.

Haziz Hodaj (Kryesues i Mbledhjes): Faleminderit zonja Gutaj Veselaj, pasi që komisioni konstaton se të gjitha mandatet e anëtarëve të pranishëm janë verifikuar sipas dokumentacionit të Komisionit Qendror të Zgjedhjeve, atëherë ju ftoj që të ngritemi në këmbë si anëtarë të Kuvendit për dhënien e betimit. Sigurisht që e dini që betimi lexohet pjesë-pjesë nga unë si kryesues i seancës dhe përsëritet nga të gjithë anëtarët.

Sevil Kazaz (YTHP): Propozoj për me lexu betimin, komuniteti boshnjak edhe komuniteti turk veç a veç në gjuhën e tyre.

Haziz Hodaj (Kryesues i Mbledhjes): Okej, unë unë do ta lexoj në gjuhën shqipe, pastaj ju vini edhe lexoni vetë në gjuhën. në gjuhën përkatëse. Kështu që nuk ka asnjë problem në këtë drejtim. Atëherë kur thashë keq tu sqaru, kur vjen puna te emri e thoni secili emrin e vet sigurisht, kështu që mos betoheni në emrin tim të gjithë, se unë e them me emrin tim e ju të juajin duhet të thënë.

Atëherë nëse jeni gati, teksti i betimit është “ Unë, _____, “betohem (ose deklaroj solemnisht) se do t'i kryej me nder, besnikëri, pa anime e me ndërgjegje dhe sipas ligjit detyrat dhe do t'i ushroj autorizimet e miya si anëtar i Kuvendit të Komunës së Prizrenit, në mënyrë që të sigurohen kushte për jetë të qetë për të gjithë”.

Atëherë betohemi dhe ju lus t'i nënshkruani betimet dhe t'i lini në tavolinë. Domethënë ju vyen, i kërkohet nga administrata që t'i kenë në dosjet e veta. Dhe pas betimit juaj urime dhe njëherë, na shkoftë mbarë dhe paqim një mandat të suksesshëm dhe pas kësaj natyrisht të ftoj edhe kryetarin e komunës për dhënien e betimit dhe të nënshkruaj deklaratën e këtij betimi.

Komuniteti boshnjak edhe turk lexojnë betimin në gjuhën e tyre. Në fillim komuniteti boshnjak pastaj turk.

Ja, _____, "zaklinjem se (ili svečano izjavljujem) da ću svoje dužnosti obavljati časno, odano, nepristrasno i savjesno i u skladu sa zakonom, te da ću svoja ovlaštenja kao odbornik Skupštine opštine Prizren koristiti kako bih osigurao uslove za miran život za sve."

Ben, _____, "Prizren Belediye Meclis üyesi olarak herkes için sakin yaşam koşulları sağlamak amacıyla yetki ve görevlerimi onurlu, sadakatli, tarafsız, vicdanlı ve hukuka uygun olarak yerine getireceğime ant içerim (veya beyan ederim)".

Haziz Hodaj (Kryesues i Mbledhjes): E ftoj kryetarin e komunës për betimin solemn.

Shaqir Totaj (Kryetar i zgjedhur i Komunës): Të nderuar të pranishëm, Unë, Shaqir Totaj, "betohem (ose deklaroj solemnisht) që do t'i kryej detyrat dhe do t'i ushtrojë kompetencat e mia si kryetar i komunës së Prizrenit, me nder, besnikëri, në mënyrë të paanshme, me ndërgjegje dhe në pajtim me ligjin, në mënyrë që t'i siguroj kushte për një jetë të qetë për të gjithë".

E kam nënshkruar pak më herët, kështu që s'ka nevojë tash me nënshkru.

Haziz Hodaj: Faleminderit, urime kryetar. Atëherë të ftoj edhe për një fjalë rastin, ndoshta.

Shaqir Totaj (Kryetar Komune): Po, të nderuar asambleistë të gjitha partive pa dallim, së pari dua me ju uru juve edhe me ju dëshiru sukses. Pastaj një përshëndetje të veçantë për të gjithë mysafirët që i kemi këtu, përfaqësuesit e institucioneve, përfaqësuesit të klerit fetar, një përshëndetje pak më të veçantë për fluturën edhe për Adonisin edhe për Elmën, për familjen time, po edhe shumë mysafirë që i kemi këtu. Është një momentum i një fillimi të ri të mandatit të dytë, të gjithë jemi së bashku këtu në një qytet emblematic të kombit për të punuar për një të ardhme më të mirë, konsideroj që objektivi ynë është shumë më i madh sesa dallimet e vogla partiake që mund t'i kemi. Unë ju siguroj që do të punoj pa dallime edhe do të jem kryetar i të gjithëve dhe i atyre që nuk kanë votuar për mua. Jam shumë i sigurt që bashkë jemi më të fortë edhe jam shumë i sigurt që bashkë do të dimë të ruajmë identitetin e qytetit të Prizrenit, e identiteti i qytetit të Prizrenit është diçka që na bën krenarë të gjithëve neve. Është krenari me qenë qytetar i Prizrenit, është krenari me qenë asambleist i Prizrenit e sidomos me qenë kryetar i Prizrenit. Du me i falënderu të gjithë votuesit që ma kanë dhënë këtë privilegj. Edhe le të vazhdojmë bashkë për një katërvjeçar të suksesshëm, të bëjmë më të mirën e mundshme për qytetin e Prizrenit edhe jam shumë i sigurt që rezultati nuk do të na mungojë. Do t'ju falënderoj të gjithëve paraprakisht për bashkëpunimin që e kemi pasur dhe për bashkëpunimin që do të kemi edhe vazhdojmë drejt një kontributi për jetë më të mirë, në një qytet të veçantë sikurse është Prizrenit. Ju falënderoj të gjithëve për vëmendjen.

Haziz Hodaj: Faleminderit kryetar. Faleminderit ty edhe suksese. Faleminderit të gjithë anëtarëve të Kuvendit, të gjithë mysafirëve pjesëmarrës dhe me këtë rast e shpall të përfunduar këtë seancë solemne. Edhe njëherë na shkoftë mbarë ky mandat. Shpresoj që qytetarët e Prizrenit do të jenë të kënaqur me punën që do ta bëjmë. Faleminderit shumë.

Mbledhja përfundoi më 09:30.



Kryesuesi i Kuvendit
Simir Krasniqi